

盲往

龍湖書院舊誌總序
 是走曷臣名龍湖走胎也
 乙酉冬調乎丙戌奉
 捐修城工朝夕督視得地於
 門外之左山環水抱倡造書院
 平本富庶已邦而文風士氣百
 季委靡則教亟也朕登城甲望



龍湖
 公館

濠淤者半橋欵深塌尸柩骸罐
累二疔陰黯黹森色于是睥絡
而濠挑之橋修之祐骨瘞之各
鄉聳獻湖春院之興也凡倡披
和而吾南環青達源相繼而起
各配以恒產而強歛之敵漸盛
乎澤國也岫宜郭渡窳艦猷宣

狀除詞訟案件外育所創建即
爲記其巔末定以章程如宦浦
陽地遂積成卷帙而總附於龍
湖之表匪曰文也譬如農夫于
稻梁符稷市民於蠶蛤魚鹽虎
鼎於菹醢芻絮無不覬也狀條
分縷晰日三省視呂計卒歲亦

儻亞虞幼子童孫脂二頗秀好
邁父日加呵叱援古引今惟恐
其踰檢蕩閑敗乃家釵喃二不
絕口繁且碎予將毋顛是顧亦
頗萃心神矣甘苦生于閱歷摩
掩不辰日月如駛感慨係以瑣
璞者何足當萬明式晒冀以以

濬甌俗尚鬼信巫淫詞遍郊楚
靡民牲宰甚於禁淫祀築路
亭造舟楫通灌溉建閘穿渠平
號百萬倉過處仰焉而登場即
化金錢偕唐旅走四方蓋藏度
以偶荒歉反偕米寧紹雖育常
平足恃而氣脈未見誇辰於是

左坡在鄉建設社倉而歸本于
教勸明倫坐化墓也敢不敬謹
修葺合煥狀光華吁一怪有餘
矣加以捧檄奔馳委訊委勤委
檢委郡城彈壓而瑞而飛而臬
泰而括蒼而會城屈指筭之左
署式之式百汲波綬短甚矣憊

為嘯矣民生宜難接任諸君子
俯賜覽視為教為養引而充之
擴而大之則橫陽十萬戶可令
家裕饒而里詩暮語云請從隄
船勦是刻亦藉以至至覆瓿

乾隆己丑孟秋穀旦九稔何
子祥題於本署之敬求堂

龍湖書院誌前編

目錄

龍湖書院舊誌總序

重刻龍湖書院志總序

勸建龍湖書院原序

何蓉林先生舊序

蕭閣山先生舊序

龍湖書院總記

龍湖書院形勝

龍湖書院建置

龍湖書院十景詩

跋十景詩

湖心亭記

湖心亭詩

何蓉林先生舊定章程

書院原額田產 租息附

舊志義捐姓氏

舊誌器具

昆陽小社學記 以下諸記舊誌載在附編今割

昆陽社學規條

昆陽社學田產 租息糧額附

崇正書院序 田產坐址畝類坵段附後


吾南書院記 田產坐址畝類坵段附後

環青書院序 田產坐址畝類坵段附後

逢源書院序 田產坐址畝類坵段附後

龍湖書院志總序

夫尚論者見其禮而知其政聞其樂而知其德自三代以下禮樂不興將其政其德不幾泯然無傳乎是故國有史郡邑有志省有通志亦即禮樂之遺意也讀一代之史即知一代政治之得失世運之盛衰足以示褒貶而垂法戒讀一省一郡一縣之志亦即知一省一郡一邑之吏治士習民風所因所草孰是孰非其有關於世道人心者良非淺鮮至於邑之有書院特地方中之一事耳書院之有志所見亦罕每以為無關緊要而忽之今龍湖書院志何蓉林先生作



之於前余亟亟與諸君子修之於後豈無見哉平邑
夙稱小鄒魯宋明以來理學名儒科第輩出而今遠
不逮於古并較遜他邑皆由書院廢弛日久士人不
思嚮學卽學矣而不知所以爲學之道是固士大夫
之所恥抑亦官斯土者之羞也夫龍湖書院之興於
今亦將百年矣在當日蓉林先生之創造非不法良
意美繼其後者弗思其創造之維艱當如何永守勿
替乃至剝蝕坍塌不免餽羊之歎求之縣志中亦無
所謂龍湖書院者蓋縣志已越百餘年未修是書院
建置在後故其中興廢之跡訖無從稽攷旣而聞有

龍湖書院志卽疊經訪求家鮮藏本幸陳君雲樓訪
得一卷呈閱又復殘缺不全然而流風餘韻究賴有
是院志以溯舊日之規模以作將來之志氣余欲創
修縣志惜以時方多故未及舉行則書院志之修其
又烏可緩也雖然莫爲之前雖美弗彰莫爲之後雖
盛弗傳余旣將龍湖書院修葺完固又重建昆陽書
院以輔翼之所有舊遺新充各產共得田千畝核計
歲收租息量入爲出經費足敷自今以往肄業有所
束脩有資膏火有給視舊制有加無已其事雖因而
功無異於創有此丕基而不克善守咎將誰歸顧經

費之敷與不敷亦視司其事者何如耳歲收之豐歉不常穀價之低昂不一佃戶之完欠不等果能視公事如家事擷節有方調度有法佃有欠租皇皇然稟追之不少寬假務求多收一分則獲一分之用如此實心辦事經費何患不敷反是則其弊有不可逆料者夫書院之事公事也書院田產公家物也余故亟修是志舉所定章程學規田畝坐段悉載於編俾合邑紳士咸使周知共相保守有舉莫廢卽或世遠年湮滄桑頓易而院志具在後之人猶得有操券而興復之者寸心千載繫念無窮諸君子尙其共體余衷毋壞我章程毋悖我學規毋輕棄此田畝毋令圯此院宇掌教者以振興文教爲任司事者以恪共公事爲心庶幾家絃戶誦篤志潛修以仰副聖天子棫樸菁莪之雅化而復小鄒魯之遺徽其文風自蒸蒸日上是則余之所深望也夫

同治四年歲次乙丑孟春月新安介石余麗元序

龍湖書院志前編

原訂名氏

蓉林何子祥定

進士張南英纂輯

生員

林鍾全
施英

生員

孔傳心
黃文燦
王步瀛
卜正乾

監生徐文鏞全校

貢生林季韶

監生李崧嶷

藏板

龍湖書院志前編

勸建龍湖書院原序

平本文物之邦近日士風之不振予於開河序言之
茲幸城內外河道濬通橋梁修理綠水青山與雉堞
掩映生輝令人心神爲之開朗顧地旣靈矣而人傑
非培植不爲功則育才之地書院實與學校相表裏
予蒞浦陽六載凡建書院四紳庶或捐金或捨田予
悉定章程刊刻成帙爲聚英俊延名師以毓之初任
時邑中應童子試者不滿五百至去浦之年竟以千
計而科甲亦復蟬聯雀起記云嗜欲將至有開必先

夫豈予能氣機之應有莫知其然者夫浦陽地磽人貧顧急公向義如是况平地遼瀾負山面海其山川之雄壯奇偉田園之饒美與夫魚鹽蜃蛤之利俱無不十倍於浦哉而昆陽書院近於市井無明窓淨几可以安琴書鮑魚之肆其不可以植芝蘭也明矣且膏火束修爲數無幾豈向之守土者未暇加之意耶予於按勘中判田畝充公入書院者近已百畝思別闢一秀雅之區因於開河之役朝夕稔視見龍湖之岸若干步倚東山而望西峙連峰疊嶂勢凌雲漢隔岸人家桃李松篁疎密相間如畫拖藍澄碧小艇往

來如渡鏡中一種清氣直不似人間予謂此可爲育才地矣亟謀之丞 蕭公見與予同延諸紳士觀之亦無不大喜謂予賞識非謬 蕭公曰此通邑事非一二人責也予在平久某某富而好義某某雖不甚富而急公知之最悉今以培植人材之故而倡此議安見不如浦人士之踴躍哉予首肯之爰設簿勸捐通邑紳庶必有諒予心而不虛 蕭公所言者他日者理學名臣跨宋元明而上按誌考實謂平文風之衰已久而絃歌不輟士氣不興則某某急公向義克助當事相與以有成也豈不休哉若夫惡成樂敗轉

作浮談以惑衆志而以自掩其鄙吝者風醕俗厚之
邑當無其人是爲序

何蓉林先生舊序

書院曷以額龍湖 郡伯卽其景且寓望屬之意也
堪輿家謂平陽龍脉從昆山來昆山連岡插霄叠嶂
凌雲踴躍騰翔不可名狀至五鳳山再聳員峰然後
蜿蜒而見於田十許里從西門入復蟠其首於西水
門外之左有地隆然還望昆巖是卽建書院處也邑
號澤國湖水周焉湖之源亦從昆山一帶滙各溪澗
之水而來分一派入西水門餘抱城旋繞由東北隅
數十里而入於海凝碧澄清亢旱常滿則龍湖爲最
或云下有洞通海泉則從洞起善沒者不能至有鯉

如舟時浮出人以為龍理或然歟隔岸人家數十柴扉竹檻掩映樹林中如畫其風景之美予於勸捐序文已詳言之憶予忝浦江六年所創書院三浦陽東明白石又修月泉書院悉配以恆產毓生童以數百計皆取法於郡伯楊公之麗正書院迨調平陽就郡謁郡伯李公而瞻所謂中山書院其規模宏整於麗正伯仲而膏火之饒倍之且示以中山書院誌為千秋久遠計面諭以士為四民之首培植以轉風氣為為政之第一義其勉之及蒞任季考見文風靡甚而所謂昆陽書院則有名無實思欲另闢一區驟難

得勝地既得地而功程頗大又慮落成不易無以酬郡伯之望中亭張公謂茲地雖去浦江遠而公之留心學校人士望風久矣是不難設簿勸捐從之紳庶急公向義果不殊浦江則以郡伯山東大家經術文章其施諸政教以陶淑夫人心者久而游泮水宴鹿鳴成名而去者又無不出於中山而咸知書院之所係重也爰於八月望日諏吉興工其章程予所定而經之營之則邑丞蕭公中亭則統秀才林鐘等逐款分理輪日督辦不數月而告竣中為講堂堂之前為捲蓬夾以室各三楹深二丈中設屏而窻前後

向傍湖砌巨石爲岸而環以墻內爲院以栽花柳猶慮諸生不足以容於西水門外之右爲室七楹以供厨灶溜沐而宿齊夫造石橋以達於講堂堂之左室外又爲直舍八楹小講堂一以充誦讀會文之所而仍周以墻中講堂額以存誠小講堂額以主敬其臺門則去書院約若干步臺門外湖中另建亭一座傍空地以爲蔬圃統用金若干丁亥春延中亭爲山長生童共若干人分爲內外課主人肅客客敬主人生徒各以次行禮雍雍濟濟禮樂之意盎然父老者謂爲百年盛事而懇予請書院之額於郡伯曰龍湖

可哉當夫火雲爍石烈日流金苗槁欲盡忽而石燕飛商羊舞恍惚龍之奮潭心挾雷霆雷霧取水於此遍爲甘霖也至如春日晴美桃李繽紛落英水面巨鱗成羣如羣龍競五花而噉哈也若夫秋高月午樓臺影瀉貝闕瑤宮精彩上下又不啻抱珠而眠也雖然形似其淺者而廣其義古帝王衣以之繪旂以之昭尙矣元禮以之名門諸葛以之名岡何羨慕若是者縱未能至是試取乾卦六爻玩其辭審其義其惕若以厲無咎者宜如何終日乾乾也况乎備大人之

德以應文明之會者獨非吾人分內事哉若夫獲一科名詡詡自許謂曾與燒尾之宴已非凡也則猶是葉公之好吾無取焉耳郡伯之言如是予述之蓋所望於平之士子者深矣諸生可不勉乎哉是爲序

蕭閣山先生舊序

龍湖書院 蓉林何老先生創也平邑坡嶺有白蓮菴僧犯案廢某任斷爲義學然地連闐闐學舍荒陋鮑魚雜沓去歲 公特延師于五都 李公所斷崇正書院以育諸生童然離城二十里往來未便謂予曰書院爲儲才之地非靈秀之區以高曠其器識勃發其文章不可此化基也會須商之秋七月 公緣城工一日循水涯至西城下見湖邊曠地一片局面開厥坐東山而對昆巖峰外有峯雲霄出沒遂招予與諸紳列坐賞玩久之顧詢中亭張君謂平邑山水

無如此幽雅堪創書院矣予于是南瞻嶺門謝客遺踪猶存也北顧新城在望東南則九鳳翔舞葛景純丹臺具在古樹蒼然因而審其龍勢迤邐而東旋轉於西堪輿家所謂迴龍顧祖也擬舊塾天壤別張君亦深以爲然會卽以濬河餘錢四十緡揆日興工復勸紳士數百餘緡助之季冬二日柱礎遂成其堂廡門墻悉備公叙爰於丁亥仲春九日延師入館棟宇奕奕春光溶溶生徒濟濟極一時之盛士民觀者如堵予竊以書院擅此地靈則諸生日異月新必有不可方物者從此發於文章局勢高敞如昆巖壁立千

仞也氣體光華如彩虹之燭天萬丈也英實敷舒如白石錦屏之春葩秋卉也組織美麗如鳳谷丹山之雲蒸霞蔚也精瑩明澈如皓月之到湖心也天機活潑奔赴腕下如西來之水直瀉龍湖波瀾壯濶漣漪成文也凡此景色目前遇之卽于諸生筆下得之近取遠觀會心不遠豈不快哉豈不快哉 公曰人才之興氣機先之氣機之感詩文應之理有固然拭目俟之至膏火之費歲修之資其舊產與新增 公囑予詳列於冊以貽久遠予任平久傳舍之視未便指名公論自在如公者願爲執鞭誠所忻慕焉是爲序

時

乾隆三十二年 月

日邑丞粵東閣山蕭塚撰

龍湖書院志卷一
一、龍湖書院之始
二、龍湖書院之盛
三、龍湖書院之衰
四、龍湖書院之興
五、龍湖書院之廢
六、龍湖書院之復
七、龍湖書院之變
八、龍湖書院之遷
九、龍湖書院之毀
十、龍湖書院之修
十一、龍湖書院之廢
十二、龍湖書院之興
十三、龍湖書院之衰
十四、龍湖書院之盛
十五、龍湖書院之廢
十六、龍湖書院之興
十七、龍湖書院之衰
十八、龍湖書院之盛
十九、龍湖書院之廢
二十、龍湖書院之興
二十一、龍湖書院之衰
二十二、龍湖書院之盛
二十三、龍湖書院之廢
二十四、龍湖書院之興
二十五、龍湖書院之衰
二十六、龍湖書院之盛
二十七、龍湖書院之廢
二十八、龍湖書院之興
二十九、龍湖書院之衰
三十、龍湖書院之盛

龍湖書院總記

平邑書院始於宋時陳經正兄弟受業二程夫子
之門歸築會文書院朱子講學其地此見於志者
也設於官者周公嗣德有逕川書院朱公東光有
東山書院及王公約萬公民華社學義學各數十
區當時稱盛

本朝文教覃敷中外省會咸設書院養士之隆超越
前代諸多士向化蒸蒸然仰副作人之治矣就平
而論初設縣城者則為昆陽書院地居嶺門之春
學舍局促不足容諸生丙戌

蓉林何老先生下車延予於五都崇正書院地頗清
潔但離縣治二十餘里諸生就學未甚便 公時
談經課藝日一往返恐悞公意未稱謂予曰縣城
適中之處當別圖之是歲七月奉

命修築邑城朝夕城外步覽督視一日得地於龍湖
之涯第見山水滙聚秀氣勃萃撲人眉宇玩之不
舍喜形於色曰此可成書院教多士矣龍湖者邑
西城外南隅湖以龍名者也近城下面昆巖山山
外三峯高出雲表獨當一面迤南錦屏九鳳二山
擁其左北則譙樓櫓堞抱其右瀛洲之水西來儲

其前亦平奧區也經 公賞識轉榛莽之場作詩
書之府行人俱矚目焉以爲地靈所擅與曩時面
目迥不相同矣夫士身居衡茅葦門圭竇無人過
而問焉一旦釋褐登朝名播於時榮施上下閭里
庸夫孺子夾道仰視嘖嘖嘆羨爲世所驚其若斯
乎其若斯乎 公乃與 蕭公分冰俸以倡設簿
勸捐選首事詹吉鳩工其講堂門舍石橋湖亭就
地布置一如 公叙於是山色蒼蒼水光溶溶桃
李成蹊門墻生色此中自足千古也今而後詩歌
成人有德小子有造非 公貽之乎譬之一家祖

宗披荆斬棘創基業於前而若子若孫堂構相肯
甲第相高及子復生子孫復生孫厥祖考之恩勤
雖百世不能忘也豈媚 公哉若山川人物之盛
衰又與時相推移平邑雁蕩龍湫奇秀知名於唐
間代疊降偉人道學則程朱門人後有牖巖史氏
潛齋陳氏詩學則霽山林氏後又有陳高陳東兄
弟西堂方氏父子由斯以談文運豈終厄耶今
公開河以通靈源設學以培元氣其間應運而興
大有人在在前見古人後見來者驗之已然信之將
然不待智者而決已予謬坐臯比竊慚學殖荒落

見 公訓誨諸生也既以言教又以身教知 公
匡予不逮况 公蒞平三年中案牘一清之外而
書院而城工河道橋梁亭障各都義塚通津渡船
學宮明倫之堂廣文正副之署通邑社倉先賢廟
宇坊表無不一一行彰彰在人耳目而從容不迫
舉重若輕孰非本其平日之學問施之爲經濟諸
生涵泳求之體察行之知公非徒以屠龍之技學
成而無用者可庶幾萬一也夫學問之道無他潛
則遜世無悶見則德施而化庶於龍之義有合焉
此 公所望於吾平士子之心而亦 蕭公所以

佐公之心也予亦烏能已於言至紳庶樂捐數目及書院章程并撥入膏火田園若干公命予釐爲志以垂永久乃循浦陽志例晰於後

邑人張南英

龍湖書院

形勝

龍湖書院在登瀛門城下坐東向西以葛壇橫山爲案山外三峯爲昆巖山標青四五十里獨對書院南聯屏山凰山倒影龍湖北則譙樓高峙照耀白石諸邨後則丹山爲展實擅全湖之勝爲士子讀書之靈區

建置

書院正廳七間中爲大講堂顏曰存誠堂後爲掌教寢室傍六間爲學舍可坐諸生二十四人

左接小講堂顏曰主敬學舍八間後結欄檻可坐諸生十六人右跨觀瀾河設板橋廊房爲學舍三間可坐諸生六人餘四間爲館人住宿及厨灶溷漏之所圍墻三十餘丈

龍湖書院十景詩

三峯疊秀

何子祥

削劣鍾靈秀飛來峯外峰稜稜起文筆蜿蜿幻虬龍翠向窻前滴雲垂天半濃無窮縹緲意欲盪浩然胸

雙橋垂彩

雙橋波面合返照儼虹垂碧澗澄瀾澈芳風畫舸移東西光掩映下上影差池最愛霞如綺殘陽雨霽時

白石春花

龍溪書院元卷一
一水前村繞繁葩古洞春成蹊號白石隔塢滿芳
塵好倩東風力紛披絳帳新托根欣得地寄語看
花人

錦屏秋葉

屏山如錦障霜葉爛深秋蕭瑟聲殊老丹黃豔欲
流景同春色麗光帶夕陽浮吟到楓林晚悠然豁
遠眸

龍湖泛月

皓月層霄迥夷猶且泛湖空明臨曉鏡晃朗在冰
壺鰲背微翻浪驪頰隱挂珠清游興不淺短棹亂

菰蒲

鳳谷巢雲

晦明多變態棲谷滿間雲去住心何着飛揚勢正
紛作霖欣駿鬣觸石起氛氲領畧山中意瀾漫布
大文

亭開新霽

風景湖心好晴光過雨開斷霞明似綺積翠遠成
堆極目文瀾濶披襟爽氣來好同風浴意吟眺任
徘徊

柳交遠風

夾岸濃陰起垂楊面面風千絲紛嬈娜一碧颺空濛細雨輕煙裏明霞夕照中不寒輕吹好意態瀉難工

丹嶺朝霞

皎皎迎初日崇岡爛綺霞金光萬象曉仙帔一輪遮氣與鴻濛接華看紉縵加建標滄海近未許赤城誇

譙樓晚角

何處吹殘角聲聲出麗譙依稀驚絕塞迢遞落層霄常與青燈伴還同玉漏調緒風吹一昔傾耳靜

喧囂

三峯疊秀

吳廷彥

曉牕初縱目霧縠縵起三峯翠障橫無極嵐光媚幾重山妃披霞縠仙子躡雲踪嘯傲憑軒久悠然清興濃

雙橋垂彩

飛甃成雙美長虹兩兩垂盪舟穿月易倚仗步雲遲璧影澄波裏珠光曲水湄翠屏橫遠岸鰲背起階墀

白石春花

桑柘前村裏芳菲裊遠風山川藏渡口日月度壺
中籬落交爭綠園林競染紅東皇頻借力書舍樂
冲融

錦屏秋葉

秋葉生秋山秋容彩色斑堅蒼含玉液燦熒綴醜
顏望似珊瑚佩簪成翡翠環丹黃誰染采青女自
幽閒

龍湖泛月

浪靜風恬夜逍遙月下游客士賡叢桂賦人在木蘭
舟倚槳恣憑眺飛觴起唱酬蟠龍護碧落皓魄浪

中浮

凰谷巢雲

嵐氣出林表輪囷滿沓岫邊移未遠谷口却相
招翠蓋施霖雨仙裾拂採樵望雲凝瑞彩延伫倚
山椒

亭開新霽

數椽環帶水紅日罩芸牕煙淨盟鴻渚嵐消濯錦
江波光望不極霽色占無雙遙憶新亭上吟思未
肯降

柳交遠風

濯濯三眠柳飄颻風力微清光宜水影淑氣藉晴
輝舒眼條爭綠輕腰絮不飛夕陽歌詠意莫與素
心違

丹嶺朝霞

抱朴飛昇處餘霞次第舒朱輪升海嶠麗色絢仙
居翠靄凝椒麓晴光透綺疏高齋斜點筆爽氣滿
清虛

譙樓晚角

殘漏催銀箭遙聞譙鼓俱焚膏延晷刻起舞振清
臞晚角遙為銜青黎喜不孤登瀛思古昔楹桷仰

西隅

三峯疊秀

袁果

窻中有遠想峯影亦秀好何必海上山縹緲不可
到

雙橋垂彩

五色得水彰有橋卽有彩水鑑幾人來清流若相
待

白石春花

春過花息機未春花釀液及春而揚葩粲然對白
石

錦屏秋葉

變 枯葉含霜姿猶能發華絢文蔚悟秋容卓哉君子

龍湖泛月

窟 湖非月中湖月非湖中月湖月兩不疑人在水晶

凰谷巢雲

致 出岫本無心巢谷豈有意清風遲未來英英露真

亭開新霽

啟 既雨晴乃佳萬象快新洗小住此亭中可以當七

柳交遠風

極 愛此濯濯春弱不勝風力細綠參差交遠神渺無

丹嶺朝霞

映 明霞吐朝鮮支頤玩深靚獨念嶺畔人軒軒亦互

譙樓晚角

誰吹樓上聲遙遞煙中响城烏拍拍飛晚風開蕙

帳

三峯疊秀

張南英

三峯插天半縹緲復糾縵撥去千丈嵐一青撲書案

雙橋垂彩

東海駐早霞西山借丹雘橋頭斷雲移長虹從中落

白石春花

春入白石村紅白爭煖樹中有採藥人苦吟冬青句

錦屏秋葉

屏山神氣積蒼翠恣俯仰涼蟬咽楓林葉紅聽秋響

龍湖泛月

曾到清虛府星河蕩雨槩後來乘槎人直從龍湖上

鳳谷巢雲

人向雲中棲雲傲山中屋出山時英英歸山有舊谷

亭開新霽

龍湖書院志 卷一
風雨四山來新亭晝已晦日華排雲開返影轉所
愛

柳交遠風

濯濯堤柳新鱗鱗湖水白徐徐南風來忙忙北行
客

丹嶺朝霞

朝霞似丹砂吸之成天仙嶺上五色火此翁二千
年

譙樓晚角

月樓起晚呼志士傷遲暮聞聲心慨慷豪情寄古

戍

三峯疊秀

長覺當窻積翠重亭亭雲際出三峯分明欲認江
郎化

江郎山三峯相傳山下民兄弟三人化于此

縹緲疑從海上逢危

影森森撐碧落遙青面面挿芙蓉好教多士覘靈

秀漫擬眉尖黛淡濃

陳后山眉聳三峯秀

雙橋垂彩

渺渺澄湖一望遙書堂南北峙雙橋未雲長覺龍
先卧過雨誰知霓未消斜影平分波鏡澈浮光欲
動浪花搖詩人驢背寒酸甚須向青蓮句裏描

白石春花

行盡溪南別有村
朱朱白白最銷魂
數家籬落垂楊外
一簇林巒過雨痕
杏樹壇邊沽酒店
桃花源裏釣魚輪
河陽金谷都陳迹
那似天然圖畫存

錦屏秋葉

秋葉秋山秋景明
碧天雲淨畫圖橫
石家步障空回首
潘令春花又一城
隔水欲依漁父渡
遠峯猶帶落霞輕
吳江好韻誰能續
坐愛停車自有情

龍湖泛月

月明如水水澄湖
出郭扁舟興不孤
羣玉山頭飛

鵲鏡爛銀盤裏吐
驪珠郎官夜泛真
應爾赤壁佳游得
似無聞道廣寒宮
殿近憑虛便欲叩
清都

鳳谷巢雲

鳳山翼翼翠屏張
韞畜冲和雲氣藏
符作霖時能布滿
偶逢風起忽飛揚
半閨夜共山僧住
一片閒隨野鶴忙
莫道無心任舒卷
慶霄曾織五文章

亭開新霽

雨過雲移水接空
小亭面面有清風
無邊霽色三峰下
盡入龍湖一鑑中
殘照數村煙外樹
明霞幾點晚來鴻
鳴琴莫厭頻還往
此日山陰樂事同

柳交遠風

柳岸重陰欲散綿輕風搖曳更娟娟
縈回春草湖邊棹掩映桃花水
外田無限濕雲流翠羽幾多涼
露抱元蟬依稀光景掩人好長似金門萬縷煙

丹嶺朝霞

好山幾疊破新晴紅映朝霞一片明
散彩林間猶似綺建標雲外亦如城
仙壇杳渺空遺跡丹灶氤氳若有情
紺草玄芝倘可掇持筇便作采真行

譙樓晚角

晚來魚鑰閉嚴城吹落樓頭畫角聲
塞雁橫空霜

一色嶺猿挂夢月三更如催壯士聞雞起欲遣名流欹枕驚殘卷孤檠堪勵志前賢芳軌有登瀛

三峯疊秀

張元品

縹緲層峯翠欲流龍湖秀色快全收
勢教拔地三千軸高接旋天十二樓
娥月半規清似畫長星一點淨於秋
朝來士子占雲氣曾記前人作狀頭
宋雁岩大魁峯卿雲見徐儼夫等狀元

雙橋垂彩

書堂南北挂雙橋天半長虹影未銷
恍惚城邊開海市陸離湖面織龍綃
星軺曉渡雲分合雀舫爭

先岸動搖佳句青蓮欣拾得謝公姓氏亦高標

白石春花

白石村宋人
林霽山所居

晴光漸漸却朝寒白石村中花好看暖入千家開
蕊榜香飄萬樹典春官踈籬落落風來淡錦幔重
重露正溥檢得遺編還吊古一翻紅雨下欄干

錦屏秋葉

涼蟬幾樹咽清商報道屏山染曉霜本爲天孫成
錦綉轉教青女掌丹黃斷霞掩映留歸客隔水纈
紛送夕陽轉見龍湖叢桂豔郤林分掇一枝香

龍湖泛月

西郭欣欣下畫船廣寒夜色恰娟娟一城秋意當
湖落萬點星芒避月圓敢倨胡床同庾老聊藏斗
酒待蘇禪笛聲知是誰家起兩岸村人未肯眠

鳳谷巢雲

鳳凰谷裏見藏雲清氣升揚絕市氛爐藹轉知傳
五色陣花亦許將三軍祇應宏景山中有可向希
夷手內分膚寸直教天下雨白衣未敢擬同羣

亭開新霽

漫天風雨舞垂楊霽色新亭錦綉張一幅湖光城
半角兩村花氣水中央波痕細皺浮山綠霞隙斜

曛入樹黃此日汝陰賢太守幔幃開處有輝光

柳交遠風

蘋末輕輕起素波龍湖嘉樹政婆娑披襟幸有雄
風在染袖新看御柳多濤捲綠陰清可愛月移踈
影淡相過曲江亭畔千千縷讌罷題詩樂若何

丹嶺朝霞

策筇拾級訪先翁獨上層巖足跡空舐鼎有丹塗
巖寧掃壇無竹聽商宮曉嵐未散村煙白晨宿初
希海影紅都說蜃樓開俗眼還留夕照付歸鴻

王輿地志仙壇陬有蒯竹風來自
成宮徵又永嘉記名掃壇竹

譙樓晚角

譙樓翼翼集昏鴉畫角烏烏到水涯良士壯懷聽
午漏讀書豪氣落清笳筮篋歌起霜羣下感箴聲
長月影斜靈境一逢開闢手兩年更見滿城花

三峯疊秀

林一鳴

隱現晴嵐遠樹中半堆螺黛早煙叢行雲去鶴交
為伴可與芸窓清興同

雙橋垂彩

兩兩星橋倒影垂朝霞暮靄共爭奇坐看曼曼花
鴛起正是書生長嘯時

白石春花

桃李無言媚早春紅英掩映武陵津
澱紋疊疊煙霏外一段清恩倍可珍

錦屏秋葉

睇望屏山對落曛秋來青女鬪繽紛
丹黃圖畫憑天巧日午寒蟬咏大文

龍湖泛月

皓月當空影入湖招招舟子莫相呼
孤舟夜泛清風下一鏡平鋪景自殊

鳳谷巢雲

駿隼奇峯觸石生霓旌翠蓋望中明
行雲莫誤歸雲意時向層巒作主盟

亭開新霽

忽見清陰霽色開紅欄點染白雲堆
波光瀲灩盈窓案聽得書聲水面來

柳交遠風

叉手臨風逸思生柳邊人往水邊行
莫將搖落江潭意撓亂休明鼓吹聲

丹嶺朝霞

白鹿青鸞對舞閒仙人昇去草堂關
朝曦初出蓬

瀛上丹液常留山色斑

譙樓晚角

三更吟咏五更雞暗與譙樓晚箭齊古號登瀛臺
榭迥校書頻欲借青藜

跋十景詩

古文詞之麗無如王勃滕王閣序然所謂襟三江帶
五湖意想焉耳閣何曾夢見要亦照耀千古矣筆墨
之有神也如是龍湖十景舉趾寓目便領畧簿書之
暇偶爲拈出加以俚言冀以洩山川靈秀發士子英
華中亭諸公咸有唱和一時共事致足樂也雖然境
何指數學到悟處道通天地思入風雲不得謂誇蓋
敦化川流無乎不在也詞不必麗貴乎見其大意是
爲跋

乎不與吾心之體相契合夫心本活潑也慾錮則
頑矣本鎮重也意馳則搖矣本虛靈也情淆則濁
矣諸子之學於書院者登臨之下常作是觀則風
景之點綴卽理義之階梯豈僅以供舒嘯而已哉
而蕭君之致意於來者其存心亦可謂厚矣是爲
記

此亭傾圮久矣古人藏修游息正須有賞心豁
目之處點綴風景或以爲義理之階梯或以爲
舒嘯之旨趣見仁見智會心人不當如是耶願
知此者其亟起而修之

余介石識

湖心亭詩

卜正乾

講堂開勝地詩社復新亭水瀉鵝湖白山飛衡麓
青晚涼魚讀月晨爽鳥談經何處邀遊客吾鄉有
四靈

前題

卜正淮

新亭水上闢此地破天荒城影青重疊湖圖白渺
茫龍歸雲過嶺虹斷雨傾塘詩思無邊岸憑欄月
在望

前題

朱家璉

新構中央水上亭講堂南見卽前汀欲題村景春

音注書院元 卷一
枝開要識龍歸夜雨腥荇葉綠移窺翡翠蓼花紅
舞引蜻蜓不從此地吟鳧鳥更向何方問酒星

前題

倪廷颺

連日霽霽未到城忽逢朝霽思遙征泊舟郭外亭
中坐極目青山綠水生兩岸秋花爭艷色雙橋漁
艇發歌聲何妨小憇吟佳句孤鶩殘霞起遠情

前題

孔傳心

爲愛新亭在水涯憑欄四望豁雙眉春看兩岸花
開日雨見前山霞起時刷雪白鷗晴掠羽擲金赤
鯉暖揚鬢閒來領畧中流趣清景留人棹懶移

前題

黃文燦

綠繞沙隄水繞亭偶來小憇對鷗汀煙收盡納全
湖碧雨過重添遠岫青隔岸書聲吟落日兩村花
影掛疎星倚欄忽起滄浪興漁笛黃昏最可聽

前題

徐文鑛

瀛洲一水繞南城六角新亭喜落成花艷環欄紅
樹密柳濃拂檻綠波平間乘小艇觀魚去時引微
風伴月行此與鑑湖不相遠更添鳥語助詩情

何蓉林先生舊定章程

一聘請山長每年書院董事慎選品行端方學問優長者爲西席公呈開送憑縣決擇預請來年掌教

一山長束脩每年四十兩供膳二十兩四季分送資儀一兩端午中秋節儀二次各二兩年資二兩食米錢八千文亦四季分送

一山長初到請縣率生童迎入書院命諸生謁見縣用公資設席款待計二棹散館亦備席餞送需銀四兩

一肄業諸生應給膏火但書院租息有限今考入諸

生到館之日每年酌給紙筆銀五錢需銀十五兩作二季分發柴草自行輪流俟田產有餘此項可免

一學生當曉尊師重道如資儀節敬自關禮數卽夫子所謂自行也今束脩發出而贄儀豈可少今定到館贄儀百文端午中秋二節各百文多者聽入泮謝先生有力者袍掛無力者酌量自送以示不忘所自之意而先生亦須實心督教俾人品學問兩臻其至

一肄業額數每年本縣開印後出示考試合邑生童

擇文理明晰者取內肄業三十名送入書院仍於冬月季考甄別一次其文理荒謬者遣歸便於來春考補以示勸懲或臨考不到另行送入者止准肄業前定入館紙筆銀不給如不到館值日者季考賞亦不給

一內肄業會課每月三次課卷俱山長批閱前列生童三名俱不填名次送縣親定生童分填兩榜不給賞

一季考每三月五月七月九月十五日凡四課諸生先一日填名送卷臨期黎明赴縣點入內署考試

音海書院志卷上
縣用公資每人備麵二碗計三十人需六百文四課共需錢二千四百文課卷呈縣親閱出榜賞生員首名童生首名紙筆資五錢第二名生員童生三錢第三四名第五名生員童生各二錢每課需銀二兩八錢四課需銀十一兩二錢如課卷少或止給賞二名三名

一 生童試卷每課需三十本每本須錢二個半計十個月用卷九百本需錢二千二百五十文董事於公資備辦山長先期發司會彌封來早給散

一 山長閱卷筆墨及封卷紙章送卷名帖約需銀三

錢董事於公資內備辦

一 館人每年二人應給工食銀八兩其飯食諸生每日給米四升至冬月散館到來年開館計兩個月零另給飯米鹽菜錢共一千文

一 每年寫榜筆資錢官自給賞

一 每年夏月書院搭涼棚錢二千文 松枝散館燒用

一 書院每年補湊家伙什物錢七百元

一 書院每年歲修及砌岸做路等項須先估費若干請領存留餘錢修造工竣仍開冊報銷如錢不敷下年再請完工

一書院田產租息緣星散四鄉難收本色俱折錢文其肥磽不等租有輕重現有劄狀存案該佃戶納租同經承赴管理衙門完納移送縣庫存貯

一領錢文作四季開館端午中秋散館各應領若干董事開明發領其餘應辦工程隨時支應

一每年經管董事一人給紙筆及飯食等費銀二兩

一書院值年董事於散館日將前辦首事十名內除現管一人外次年開單呈縣輪擇一人來年接管該經承全本年首事將一年所收租息若干領用若干造具一入一出清冊送管理衙門轉送本縣

核銷其存留餘錢若干着開明貯爲下年開館應用至書院什物亦開清冊交與下手接辦倘經管

銀錢不清卽令賠償議罰

前開需用銀兩悉七折算

書院章程業已開列在前所有田畝錢糧租息及書院每年支銷錢文務須官爲經理方可垂久查書院撥入官步額田貳百肆拾肆畝柒分肆厘貳毫陸絲壹忽除去黃家洞二戶塗園塗田肆拾玖畝柒分叁厘每年均分存留撥用外實田壹百玖拾肆畝玖分玖厘貳毫陸絲壹忽應收額租壹百貳拾柒千壹百肆拾捌文內除應完額銀壹拾叁

兩玖錢肆分伍厘

每兩折錢壹千文

共應折錢壹拾叁千

玖百肆拾伍文應完額米叁石陸斗玖升叁合肆

勺

每石酌定折錢壹千貳百文

應共折錢肆千肆百叁拾叁文

省米在內候藩司文到核定

及前開書院等項并糧額共應給

錢壹百零玖千玖百柒拾捌文餘錢壹拾柒千壹

百柒拾文再除每年給昆陽社學 山長食米錢

肆千文外錢壹拾叁千壹百柒拾文存留縣庫以

為歉年補湊薪束之需以叁拾肆年為始至黃家

洞田園每年均分若干經管衙門變價存貯為書

院歲修及河坎道路等項公用以上該承備造清

冊移送

糧廳衙門管辦其他佃戶完納租錢亦由

糧廳衙門彙齊移交縣庫并給納戶執照至書院

董事每年支送束修生童賞給館人工食等項錢

文即向 糧廳具領移縣發給該承年終稟明

糧廳將一年支銷全數開冊送縣存案如有應催

應比亦稟

糧廳辦理永為定規但現在書院田

產有限諸項難擬加增倘有好義者捐助另行刻

入外昆陽童館新舊撥入官田園叁拾柒畝玖分

伍厘應收額租錢貳拾壹千柒百玖拾捌文內除

應完額銀貳兩貳錢陸分叁厘柒毫

折錢貳千貳百陸拾肆文

應完額米伍斗陸升玖合捌勺 折錢陸百捌拾肆文 并每年
館內需用等項應給錢貳拾壹千伍百肆拾捌文
止餘錢貳百伍拾文存庫歲修支用該承亦備清
冊送 糧廳照龍湖書院辦理年終稟開壹年支
給全數送縣存查毋庸另列

[Faint bleed-through text from the reverse side of the page, including characters like '應完', '館內', '需用', '等項', '應給', '錢貳', '拾壹', '千伍', '百肆', '拾捌', '文', '止', '餘', '錢', '貳', '百', '伍', '拾', '文', '存', '庫', '歲', '修', '支', '用', '該', '承', '亦', '備', '清', '冊', '送', '糧', '廳', '照', '龍', '湖', '書', '院', '辦', '理', '年', '終', '稟', '開', '壹', '年', '支', '給', '全', '數', '送', '縣', '存', '查', '毋', '庸', '另', '列']

原額田產 租息附

一戶中田一十九畝 折官田一分一十 計三坵 在十三都

一坵七畝 坐高垵上 租錢三千五百文 佃孫克振

一坵六畝 坐同 租錢三千文 佃朱士樸

一坵六畝 坐同 租錢三千文 佃金仲信

一戶中田一十八畝 折官田一分一十 計四坵 在十七都

一坵六畝 坐龍山頭高垵 租錢三千七百五十文 佃鍾文琳

一坵四畝 坐汝垵 租錢二千五百文 佃王振遠

一坵二畝五分 坐大日寺前 租錢一千四百二十八文

佃徐雅遠

一坵五畝五分坐交租錢三千四百五十文佃王發

以上乾隆四年許任充入糧從二十一都周成戶內收

一戶下田官步九畝八分七厘在二十

計一壠坐小租銀四兩五錢錢入折佃張鼎印

以上乾隆四年彭任丈入糧從二十八都朱仲戶收

一戶下田五畝四分折官田四畝七分零二毫六絲

二十九坵坐章道租銀二兩五錢錢入折佃詹國選

以上乾隆七年羅任充入糧從十八都陸科詹有林道二戶收

一戶中田十畝折官田八畝

一坵四畝坐應家庄

一坵六畝坐瓦租銀共八兩錢七折佃鄭國賢

以上乾隆十八年金任充入糧從三十二都周然戶收

一戶下田官步十畝共六百七十三坵在四十五都

一段三畝坐勝果寺租錢一千五百文佃藍世才

一段四畝坐高坡五坵租錢二千文佃王天球

一段二畝五分坐寮前竹

一段五分坐北山底共租錢一千五百文佃李可盛

以上乾隆十八年楊任撥入糧從四十五都勝果寺收

一戶上中下田五十九畝折官田四十三坵

一坵上田四畝坐陳家廟前租銀四兩八錢錢七折佃葉子育

一 坵上田一畝 坐堂西路邊 租銀一兩二錢 佃應玉璽

二 坵中田五畝 坐馬路 租銀四兩

一 坵下田三畝 坐馬路東 租銀一兩八錢 佃葉世機

二 坵上田二畝 坐堂後 租銀二兩四錢

一 坵中田二畝五分 坐馬路西 租銀二兩

一 坵下田一畝五分 坐馬路西 租銀九錢

一 坵下田一畝 坐樓基 租銀六錢

一 坵上田二畝 坐堂西路邊 租銀一兩四錢

一 坵中田一畝 坐樓基 租銀八錢 佃以上俱

一 坵中田四畝五分 坐馬路東 租銀三兩六錢

一 坵中田一畝 坐寺水塔後 租銀八錢 佃以上俱

一 坵中田四畝 坐馬路東 租銀三兩二錢

一 坵上田五分 坐茶園外 租銀六錢

一 坵下田二畝五分 坐馬路 租銀一兩五錢

一 坵中田一畝 坐馬路下 租銀八錢 佃以上俱

二 坵上田三畝 坐溪下 租銀三兩六錢

二 坵下田五分 坐河東 租銀三錢 佃以上俱

一 坵下田四畝 坐山內 租銀二兩四錢 佃陳文啟

一 坵中田二畝 坐西 租銀一兩六錢

一 坵上田五畝 坐坊後 租銀五兩

一坵上田一畝坐同租銀一兩佃以上俱

二坵下田四畝坐馬路東租銀二兩四錢

一坵中田三畝坐堂樓基租銀二兩四錢佃以上俱

以上乾隆三十二年本任撥入糧從入都葉宗

一戶中田一十八畝折官田十二畝在西安租銀一十八

兩錢七折佃李必正

以上乾隆三十二年監生李志清捐入糧從三

李志清

一戶塗園四十一畝二分計一段上下二坵坐九都

租錢每年十五千文佃李子

以上乾隆二十五年 徐任撥充惜字會三十

二年本任轉撥改入書院報陞官田二十

一戶官田九畝一分計一籠在三十六都坐租錢五

千四百六十文佃陳天章

以上乾隆三十二年本任撥入報陞四則官田

一戶上中田十五畝折官田十二畝計大小六坵在九都

一段八畝租錢五千六百文佃周應選

一段二畝租錢一千二百文佃王文彩

一段三畝租錢一千八百文佃徐有珍

一段二畝租錢一千二百文佃陳元球

以上乾隆三十三年節婦周程氏全子南榕捐

入糧從三十二都周盛貴戶收

一戶官田二十畝計

在十四都朱家匯地方租錢每年

九千文

佃潘志明

以上乾隆三十三年本任捐捧六十千文買入

以助膏火報陞三則官田二十畝

一戶官田六畝九分計一坵在十四都朱家庄後河嘴尾地方租田

每年三千文

佃黃子超

以上乾隆三十三年係吳持正與潘子明等案內本任充

入報陞三則官田六畝九分

一戶園五分計一片共五坵在二十六都鐵龍山下租錢二百

五十文

佃王正禮

一戶基地一分計一片坐龍山下租錢四十文

佃葉應科

以上基園二片乾隆三十三年係章於天與王

觀光互控案內充入報陞基地五分

統計書院額田一百九十四畝九分九厘二毫

六絲一忽額租錢一百二十七千一百四十

八文外

一戶塗田三十四畝五分計

坵在十都坐黃家

租每年面同五六均分佃章光印章子昌

章光啟

一戶塗園四十八畝四分計

坵在十都坐黃租

每年一十四千五百二十文佃章宗發今定均

分以上兩處田園乾隆三十二年清理灶丁丈

餘奉

府憲撥入俱在塘外每年均分變價以充書院公用

故不登額報陞三則官田四十九畝七分四厘

一書院每年應充完額銀一十三兩九錢四分五厘

一毫折錢一十三千九百四十五文

一書院每年應完額米三石六斗九升三合四勺折錢

四千四百三十三文省米候

藩憲文到核定完納

舊志義捐姓氏

原任同知陳夏鈔一百千文

監生李長春八十兩

童生林天歆八十兩

監生謝洪開三十兩

葉濟川三十兩

林宗載三十兩

生員

謝文敷
郭文魁

等共六十兩

童生黃士元三十兩

監生黃士鼎二十兩

耆民劉文遠二十兩

監生黃士明十六兩

貢生孫永泰十兩

吏目鄭永朝十兩



職員李遇春十兩

監生周 恒十兩

黃欽懷十兩

蘇 凝八兩

黃能偉五兩



張致禮五兩

歐陽元五兩

貢生鄭景命錢三千文

楊榮三兩

生員吳鉉二兩

湖心亭義捐

貢生蘇鐸二十兩

生員金嘉昱七千文

監生鄭義山五千六百文 以上銀每兩七折算

蓉林何子祥共捐俸捌拾陸兩

舊志器具

八仙棹五張

會文長棹八張

神座長棹一張

燈架一個

中堂大燈籠一對

大水牌一面

大鍋三個

高鍋蓋二個

湯鍋一個

大圈椅十二張

短橈四十張

粗板橈四張

燈臺四個

小燈籠一對

小水牌三面

小鍋三個

平鍋蓋四個

火箱二把

菜刀一把

柴刀一把

鐵瓢一個

鍋鏟二把

茶盤一面

面盆二個

浴盆二個

腳盆二個

水桶一担

挈梁一對

泔盆二個

挽櫬一個

大小小瓢二個

油鏗一個

油桶一個

大粗碗六十個

小粗碗一百個

細茶碗十個

以上器具久已散失無存今仍備載之者正

以見前人創置之艱後人當隨時補苴有舉
莫廢天下無百年不朽之物當存百世不墜
之心後之視今亦猶今之視昔廢置之端誰
任其咎田畝具在房屋具在豈區區器具云
乎哉司院事者其試思之余介在識

龍湖書院志

附

修葺昆陽書院作小社學記

舊書院在市肆間予於龍湖書院記已詳之或請變價歸入新建書院予謂不可碑林立而匾高標前人苦心存焉何可磨滅且坡南一帶屋宇稠密而書聲寥寥幼年子弟眉宇類多清俊以肄業無資荏苒失時負其聰穎故也易以養蒙爲聖功修而葺之另撥田產束修延師以教之他日由小學而入大學安見非飛騰雲霄放出頭地之偉人耶夫境何常之有不聞壺中別有天乎斜者正之朽者易之缺者補之藝

蘭植桂窻明几淨清風明月固不爲斗室靳也子不
云乎食無求飽居無求安讀書必擇精舍見亦未大
也况爲師者毋論雅人深致別有懷抱而樂育爲事
方且日示弟子以孝友謹信學文之事提耳命面猶
慮其馳鴻鵠之弓而越我範圍則先生居而弟子侍
寸陰是惜亦無事迴房曲檻託言瀟灑也能如是乎
則半畝之官所造者大矣脩之是董厥事者職員孔
傳濂其費則予捐以清俸由臺門而堦而堂而室潔
淨深奧非復本來面目而蒼松古樹謾謾之聲如與
書聲相和轉覺可人於中楣額以聖功二字弁定學

規爲章程其田畝坐落另有冊丁亥七月記

昆陽社學規條

一先生當請端方勤謹之士初學爲養蒙之始趨向
一偏終身爲累不但每日口授一二章便可了事
大而綱常名教小而揖拜周旋須時時提命俾脚
躡實地心全天真則大本立矣至於分句讀辨音
韻析字義正訛謬悉先生是賴故蒙師尤不可忽
也其館現在孔傳濂董事卽令帶管每年底同核
地紳徐公舉端士三人候地方官確訪一人具關
憲請卽於關內訂期開館

一先生束脩每年定十六金春秋二季分送節儀二

金入館卽送悉八折錢算元宵前後進館地方官仍率小學生入義學行禮禮同書院以示崇重之意

一先生須先議定曉夜在館不得早來晚歸致學規不謹如在鄉下年節回家遞帖聲明

一先生既係官請學生不用另出束金惟是贄儀二節係禮數所關不可少茲定贄儀八折錢一錢二節每節一錢以端午中秋爲令節

一小學生須授以小學併爲講說遞及論孟等書如各書已經講過仍須帶讀小學細爲講解其頑鈍

不受訓者初則薄責再不改逐出毋令引誘各童嬉遊以致敗羣

一小學生有志入館者先一年董事擇十一二歲及十五歲能破講半篇者彙三十餘名送署候官示期面試以定去取掛榜於學擇吉送入

一先生釘一簿每日輪二人打掃堂廡週而復始
一寒淡之家衣服陳舊不妨然亦毋得赤脚露額不成體統其頗溫飽者卽當袍套鞋帽以布爲主毋得華麗以養福澤

一每日三餐不得回家出館時先齊向先生深深

一揖來館時必令向父母兄長亦端端一揖在街
遇長者亦深深一揖少而習之長則不乍而時然
也

一每年僱一单身老實人看館每季賞銀一兩五錢
七折伺候館師茶飯使喚不勤者草出另僱刁健
送官究治

以上條規略舉大概然灑掃應對卽寓聖人入
德之門各紳衿遵辦毋玩視

昆陽童館 附

田產

一館基一片

坐嶺門天
后宮側

額銀額米俱龍湖書院完納

計收白蓮菴
一則地七分

一戶基園一片計二分

小園五片計三分

俱坐東
山下

租銀二錢

錢入折佃
温永恭

以上乾隆二十一年

黃任充入

報陞官田
三分

一戶中田三畝二分五厘

折官田二
畝六分

計三分

在一都
坐沙崗

租錢一千九百五十文

佃潘世相

以上乾隆三十二年本任准監生張致禮兌原

充雞鳴嶺冷水坑原充田三畝三分糧從廿九都張致禮

收戶

一戶中田一十一畝計在五十坵都坐密洞

又園二十五畝坐同租銀八兩一錢九分錢八折佃邱理

以上雍正十年張任充入本任報陞官田六

畝六分園折官田七畝五分

一戶中田三畝計五十二坵在八都坐白水租錢一

千五百文佃吳秉桂

以上乾隆十七年彭任充入本任報陞官田二畝四分

一戶中田一十三畝計四十三坵在二都坐西橋頭一處

二坵四畝二分五厘租錢二千七百六十三文佃

林斯聰

四坵四畝租錢三千八十文佃李必達

二十坵二畝五分坐會靈廟前租錢六百八十八文佃陳

華仲

七坵二畝二分坐同租錢一千二百七十文佃尤

以上乾隆三十二年本任充入糧從二都土地案內收

一戶中田七分五厘折官田六分計二坵在二都坐西橋宮前屋前二處

租錢四百三十文佃尤光玉

以上乾隆三十二年本任充入糧從城隅潘正榮戶收

音海書院志

一戶中田五畝 折官田四畝
在四都二都

一坵二畝二分五厘 坐水閣

租錢一千五百七十五

文 佃謝
廷郁

一坵二畝二分五厘 坐后林

租錢一千五百三十文

佃陳
上榮

一坵五分 坐六尺 租錢三百文

佃林
允丹

以上乾隆三十二年本任充入

糧從二十四都
劉萬金戶收

統計童館額田園三十七畝七分

額租錢二千七百九十八文

一童館每年應充額銀二兩二錢六分三厘七毫 折錢

二千二百
六十四文

一童館每年應完額米五斗六升九合八勺折錢六

百八十四文

以上并前開需用共錢二千五百四十八

文餘錢二百五十五文存庫歲修支用



龍湖書院志 附

崇正書院序文

崇正書院原五都慶雲堂道士余天錫所居以供斗
母者因其徒假印事發前李君方萃從士民請詳改
社學而額之曰崇正乃天錫既戀棧豆而刁民又妄
稱檀樾上控不已予濬任未久奉 府檄覆訊併為
清丈以斷葛藤事始寢其地三面枕水初予乘小艇
往來至里許僕夫指謂是即古慶雲堂也平洋中如
堆螺髻景頗幽異至則疎柳叢篁環遶左右湖水汪
洋山巒遠近東西廂翼如其剏造之功亦非一朝夕

之故因笑洞天福地固非癡道士所能居李君毅然去之誠是今年春予因昆陽書院近市且頽捐不足為習靜地遂於此延名進士 中亭張老先生主講席聽政之暇時同 張公評論諸生詩文而定其高下以為鼓勵既而黃君岡竹等以崇正書院誌呈且請為記其中所叙源流及章程與夫書籍田畝器皿之類無不備 張公創為六景圖各附以詩讀之令人心花欲開黃君可謂知大體者雖然正之義大矣哉即吾孟氏所謂反經之說也其事君臣父子夫婦昆弟朋友其功博學審問慎思明辨篤行如日月之

經天江河之布地布帛菽粟之不可一日離得其道則希賢希聖反其道則為獸為禽有斯須不可假借者世之淪於異端者毋論而闢之者又欲投諸水火絕其根株毋俾易種豈不痛快然欲崇正必先自正也五常無虧百行無失則彼異端之於吾黨猶奴隸之於嫡子焉耳遵吾約束聽其科頭跣足可也何必責其衣冠語言哉非然也譬如一身元氣單薄風寒水濕無非交攻之病心目俵俵牛鬼蛇神咸能為厲計無復之行且叛吾道而乞憐若輩何能正之乎故予所望於諸生者非但梵音化為弦誦禹步易以矩

行人倫日用大小精粗悉以正為主則雖家居是亦
為政居官涖民舉而措之裕如耳諸生勉乎哉若夫
師生膏束之資會課筆墨之費館夫饗殮之給逐年
補葺修飾之計茲雖未足而萬全一鄉號稱富貴膏
腴之產人割數畝合而歸之書院為數百年長久之
計應非予意中事哉是為序

龍湖書院志 附

吾南書院記

昆陽於會城為極南水陸計程千餘里宦於浙者視
若荒城然土田肥衍山海迴環黍稷稻粱魚鹽蜃蛤
梗楠杞梓生人日用所需無不備具則豐饒實為通
浙冠獨怪文風則遜浙西遠甚掇巍科者間數十年
始一二見以故士子得一衿便為止境兼習商賈事
科歲試聊以備功令蓋其視科名若登天先自畫也
乃考誌書則有宋及明理學名臣文人學士史不絕
書又何古今懸絕若是豈盛衰循環固理之常耶亦

由不克振興鼓勵父兄之教既不先而官斯土者又未能實心作養之過也予既興龍湖書院延名師以毓俊秀繼而北港貢生施君士江則有第一山房之修蘭松洋李君長春張君致禮素以急公向義著謀於鄉謂我南港士風於昆陽不後人其可不體我邑父母意亦造一塾以培子弟乎其鄉咸以爲是爰定石佛亭後廢寺基而請予斷其可否予援 蕭公共相之則見夫叠巘重巖周遭環列長湖曲沼左右汪洋其光景殆難指數李君厯指之曰屏翠幙青凌霄侵漢繚繞於後者則爲狀元內山支則分自大玉倉

轉鵝公髻數十里起伏奔放以至於此也其挺拔渾厚端拱於前則爲南鼓樓山也山之前別一小山如人俯伏聽指示惟謹者則爲狀鷹山西則若者爲陳山爲橋墩五代大西山諸山東則若者爲獅首山爲東坑山長塞仙溪苗竹諸山也水則仍從大玉倉漚橋墩各山澗諸水波清瀾紫蜿蜒合流於伏鷹山前初成珪而成璧旣如練而如帶將往欲流已逝仍返然後悠悠從大石橋入大河而達於海也其關鎖大河毋令一瀉者則爲靈溪黃浦蕭家渡錢倉渡諸山崖岸自雄武夫介胄守隘猛士戈矛阨險也空冥離

立神人姑射綽約帝子北渚愁予也或則天馬嘶風
煙霞蹴踏或則巨鰲出海岳峙動搖客艇官艦乘潮
往來風帆雲檣隨湘隱現千態萬狀悉可從此而領
畧之若夫灌溉所及春華秋實麥浪秀而千層稻雲
黃以萬頃會心娛意無非妙趣予聽之不覺心目爲
之開爽龍湖山房以清雅勝其氣勢之雄壯局度之
坦夷宏濶此則獨備大觀矣惜乎湮沒不彰又幸至
今而得顯也量以弓口長可三十弓橫可十九弓積
算得七百二十二步計實得地三畝零因與 蕭公
經營之中闢三楹爲講堂弁山長卧房前三楹翼以

廂房各九後五楹中仍供佛像令齋夫以時焚香掃
地有其舉之莫或廢也餘悉以爲生童肄業所春而
起工孤夏告竣木石磚瓦俱可爲百年許張李二君
倡之衆紳士和之心同力協非文風士氣大盛之轉
機乎浙西科名爲天下最而求如李君等急公向義
揮金以爲倡獨力而肩成未見其人也予又何幸而
屢覩此盛舉乎諸生於以咏歌於以登臨高曠其襟
懷擴充其器識吾道南與誠可再見於今日又奚特
科名之盛已哉因額之曰吾南書院至其董事弁紳
庶捐金姓氏與撥入書院之田產以供師生之膏束

者另有冊不贅

龍湖書院志

附

環青書院序

予嘗謂浦仙華山如日暮風靜丹霞一簇立空中而
不動浦人士謂比擬誠肖迨調平因公游雁蕩則見
丹崖紫壁巒岬刻削千形萬態殆難名狀予謂觀止
矣流連不忍去有道士謂予曰名山如佳文各擅一
家雁蕩固以奇闢勝而所以著名浙東屐跡不斷則
以名士留題高僧卓錫故也去此十許里有林康山
山之中有第一山房幽雅靜深隔斷紅塵士子嘗絃
歌其中山谷響應有如奏鈞天之樂頗不羨此予領

之而未暇及也頃之有紳士施廷東等控外僧佔寺
產事閱之則卽第一山房也云山房之南有寺名安
境禪堂乾隆三年颶風發寺與山房悉毀寺田旣爲
僧蕩盡僧逃寺廢貢生方步青等捐資贖田二十八
畝重整山房而併修寺延僧祖蓮住持三傳僅存徒
文亮年止一紀有外僧突來將佔山房予謂僧非圖
寺貪產也因逐之判其產爲二一歸寺一歸山房爲
諸生膏火以文亮幼小卽令廷東代理年長還之僧
賣儒贖理應如是問山房之由則前令 王公元位
所額而北港士子公同創建也聞亦頗坍塌不與山

水稱思欲重創以培植人材惜未得其人廷東父士
江慨然願肩其任設簿勸題經營定局擬後造樓中
造講堂而翼以廂房直舍令可容五六十人漸次置
產延請名師教育如古所云燕山故事規模可謂鴻
偉顧工程浩大奈何不數月士江持圖呈則已告竣
按圖則說山房所坐正西爲大獅山也其東員淨秀
麗勢生動而朝大獅山者則爲毬山也其東南數峰
踴躍奔放如與大獅山爭此毬者則羣小獅山也一
字文星山橫於東北而正南則爲大錦屏山錦屏山
之旁有嶺循嶺而下有溪溪之厓爲魁星閣以鎮水

口溪之源則從北山來清駛見底蘋藻芬菲約可數里田約十許畝中架橋二沿溪屈曲有古道以達於寺寺有大殿以供三寶前爲臺門左有古井井旁有坎坎直下有門以達山房是則山房與寺之界址也歷歷分明若是施君又云圖所不及者春夏之間花放鳥喧秋則青松孤蔭冬而玉梅噴香四季換圖自然文章則非筆墨所能盡而予已依稀在畫圖中如與多士朝夕抱膝長吟殆不啻仙華雁蕩之游

王公目爲第一山房予更額以環青書院以天圍衆嶺而四山穠綠故也紳士亦頗日宜或謂僧與儒隣似乎不宜是又不然昌黎非闢佛者乎於大顛至留衣服爲別理至是處不以人分晨鐘暮鼓借爲提策之資亦何嘗不發人深省哉至於樓閣之綿麗廊舍之宏敞視前疑有過之施君喬梓誠可謂培植情殷而有心竟成者矣好賢之效甚速天道不誣尙再勉

楠

龍湖書院志

附

逢源書院序

辨學術邪正之分其顯然與吾道敵者易其借吾道而陰以入於墨者其辨難惟奉程朱爲指南則道之眞宰見而歧說無遁形吾於逢源書院之興而重有望於平之士子也逢源書院者有明時宰宇之社學也考誌書弘治間令王公約以振興名教爲已任所有僧尼寺院悉改爲社學至六十餘區萬厯令萬公民華又添三十餘所而以宰相須用讀書人七字編其號爾時育生童以千計閭巷間絃歌遍焉吁何其

盛也而究其原則宋時陳經邦兄弟與林湜蔡舉數先生親受學於程朱得其傳以教於鄉其學遂於歐大行雖或顯或晦緇流競起然風流韻餘至理終在爲之長者振臂一呼而歸儒之效其應如响夫豈偶然明社屋社學悉燬於兵雖誌書可考而遺跡無存大概化爲梵宇居多而宰宇社學則康熙初年倪宋二姓因其址創而爲殊勝寺院分東西二房倪西而宋東西房僧散而帶管於東房僧成璞有田共七十幾畝山在外歲丙戌部議以冷寺容易藏奸准折毀而以其基歸義學然僧或借名戀棧甌俗尙鬼少敢

指揭者倪洋倪生廷颺等獨慨然有志復古請以西房改爲書院而以股產撥爲師生膏火資予甚偉其見命輿往視其湖山秀麗花柳茂密彷彿崇正而堂廡廂房之宏濶繚繞則過之因吊其契券悉爲分定以中堂現塑有佛像准該僧供養於堂壁右爲界判作書院長若干寬若干共若干畝令別開臺門自成局面重修葺爲諸生藏修游息處而額以逢源二字夫所謂源者復道之源也古者黨有庠術有序家有塾黨正州長宇以考德于以糾過以次而進于國學曰賢曰能曰有道曰有德州鄉之考察其法詳司徒

之升選其制嚴鄉吏教于鄉師保教于國共相遵于孝友睦姻任卹三物六行無所謂恍惚不經之談以炫惑人也三代以後聖道微佛教入中國顯然樹幟與吾道敵中如董賈韓歐諸公高文典冊各成一家何嘗不以衛道爲已任而于道或離或合終不能條分縷晰溯流窮源以入于孔孟之奧則羽翼表章尋墜緒于灰燼令煥然光華如日月之中天異端無所容其喙者微程朱數大儒其誰與歸有明則屏棄一切崇論益而尊六經而命題以取士得其要矣要同是制義其粗淺者無論乃有渺思幽慮而道益離其

宗者則又何也則以輕傳註而不遵騁其私智自作聰明別開畦徑以駭人之視聽其人之才情旣足籠絡一世世樂其放縱而無拘束靡然而從之相習成成煇煇而不可救藥君子觀于明季未嘗不嘆悞蒼生者似儒實禪之說悞之也今試取有明一代之制義而分之洪永宣孝朝士學非不博文非不富然醕謹嚴固正大昌明如太羹元酒朱絃疏越音味一歸自然而總不離于程朱者近是天下知程朱之學貴也幼而習之壯而行之聖狂之界分義利之辨嚴紀布綱陳化行俗美兩間無奇衰之氣天下守中正之

經治理之隆幾跨漢唐而近三代隆萬以後則不然矣以下學爲支離以精神爲作用士以此進身卽以此取人淫聲並奏奇技雜陳祖虛無如西晉之始恣議論似東漢之終視洪永時其醜澆不啻涇渭分浸假而門戶立國是紛其治亂亦不啻霄壤別謂是非禪實禪之說悞之乎然渠固未嘗謂禪謂得孔孟之精也其徒亦謂暗與程朱合也毫釐之差千里之謬先賢謂釋氏彌近理而大亂真孰知以儒而混釋其害更有甚焉哉故曰辨之難也萬公時去弘治已遠正當禪學盛行之日宰相須用讀書人意者有感於

真讀書人難得歟抑但望其取科名惜乎教約之不傳也今國家養士百餘年安溪黃岡鍾陵雄視震川方山崑湖也文明極盛矣士文美不勝收矣功令猶諛諛以清真雅正最多士而務爲有用之學登上第者不數年踐清華置侍從備顧問或出而掌文衡恩至渥典至榮也士可不勉爲真儒真學歸醜反樸以世道人心爲已任乎平本理學之邦諸子試取陳林蔡數先生所得於程朱者卽其遺書心維口誦身體力行以其心得抒之于制義以發揮義蘊窮而在下以其學教於鄉達而在上以其學施於國予不敏卽

未能如二公悉取寺宇而更張之以爲義塾而以此爲之兆焉此倡彼和共知名理之樂以合乎道之大原則弦歌之聲何難更盛乎當日而僅日廬其居以讀吾書謂爲一時早見嚆然以闢異端自命于道茫乎未之聞也於學究何益哉是爲序

十一都文昌閣撥塗田額以觀瀾記

湖之央輦白石爲基建閣其上以祀文昌又別築亭祀魁星去閣約數十步制減閣半而揖文昌亦在湖中閣規模頗放白沙而天光雲影周圍繞湖則又似杭之湖心亭所少者十里荷香三秋桂子耳然密柳藏舟平沙宿鷺樵歌牧唱沿堤上下金鎮將軍嶺諸山雄放奔海以障狂瀾遠觀近覽心曠神怡何必多讓西湖耶予嘗過之以日暮不及登臨爲恨又頗怪無講誦其中者適十一都陳生際清因公謁見備述建閣之年實始壬申展拓之則在丁丑也以地少富

室膏束無從出講席尙虛惟文昌祀事則不敢怠予謂古者家絃而戶誦非盡饒裕也以詩書爲箕裘如衣食焉一日不可缺是以黨庠術序間無不學之人入則橫經出則負耒不失爲士也必待富而後學則無學之日矣風氣日頹富家子弟多紈袴習且以學爲畏途恐爲束縛又焉望其負笈而來則是閣雖珠簾雲棟金壁輝煌徒以供士女游觀緇黃棲止於文昌之義奚取焉而僅曰盲祀豐潔度神其歆之乎況此閣非千金莫建則鄉亦非甚吝以不知聖賢航瀆無所適從故也爰以觀瀾二字令額于楣亦撥塗田如白沙之數陳生其尙借予意以爲倡增捐田產令每年足敷師生之用而延請名儒廣置經傳以爲鼓舞庶幾文風日盛互相磨勵其于道也進而不已資深逢源猶溪澗之歸湖湖之歸海則羣望斯閣而溯洄以從葭蒼露白必有其人如玉呼之欲出者矣陳生勉乎哉

白沙里觀海閣社學記

平邑自宋迄明人才蔚起名儒碩彥鄉閭接踵今顧
 寥寥者未必古今不相及也古者黨庠術序司馬論
 秀書升未有不由乎鄉予蒞任來擇附郭之地建龍
 湖書院暨昆陽社學以教諸生他有可興復者亦次
 第舉行今十都白沙里有觀瀾閣里人建之以奉
 文昌武帝其廊廡為鄉子弟肄業之所予公過是里
 聞絃誦之聲下車訪之塾師金生玉音率徒來迎濟
 濟文雅予甚樂之從而詢此閣由來知自乾隆辛未
 倡造辛巳秋鳩工越明年告竣董其事者余生若川

劉生永清施生宏遠章子正肅也而師徒廩餼之用猶缺焉予因清丈塗園尙有溢額之數乃撥田十畝資其膏火復諭董事勸捐以足之庶可爲久計耳於是凭欄縱目見是閣三面繞河西則修竹參天龍班鳳影四時青翠交加明窻淨几當之掃去俗氛何許東觀大海沆沆漭漭浮天無岸洪濤萬頃浴日沐月朝暮可見至若崩雲屑雨障霧層嵐蜃樓鮫室倏忽之間起滅萬狀而晴空煙淨閩浙半幅海圖如在眉睫片帆東上若外夷日本琉球諸國皆堪意指天下有如是之眼界出如是之心胸發爲文章有不浩浩

瀚瀚博大昌明者乎衆穴之流不足觀也矣吾幸諸生讀書其間且以知名此閣者之確有見地也金生又云宋儒陳經邦先生會文書院相去止數武明時有白沙社學方繼學先生講學其地文名大震此皆篤行君子其師友切磋琢磨成就卓然可紀今見此地之竹菁菁猗猗如或遇之至諸生作如潮如海之文修如圭如璧之行師法古人後先媲美則學不戾於古而人不囿於鄉矣是予心也因停驂爲之序

一田一畝一坵坐寺西大路灣
 一田五角一坵坐寺後東首
 一田二畝一坵坐寺前東邊
 一田一畝三角一坵坐寺前
 一田一畝四分一坵坐寺前
 一田三畝一角一坵坐張家閣後
 一田三畝一坵坐社學北後牛輓田
 一田半畝一坵坐寺前東首水瀆頭
 逢源書院田產坐址畝數坵段附

一田一畝一坵坐寺西大路灣
 一田五角一坵坐寺後東首
 一田二畝一坵坐寺前東邊
 一田一畝三角一坵坐寺前
 一田一畝四分一坵坐寺前
 一田三畝一角一坵坐張家閣後
 一田三畝一坵坐社學北後牛輓田
 一田半畝一坵坐寺前東首水瀆頭
 逢源書院田產坐址畝數坵段附

一田一畝一坵坐但垵靈池
一田二畝半一坵坐學西後
一田五畝一坵坐六都南垵
一田五角一坵坐張家閣後
一田一畝一坵坐學西後 一田五角一坵坐寺後
一田一畝一坵坐水路垵 一田三角一坵坐寺後
一田半畝一坵坐學西後
一田九分一坵坐水路垵
以上共田三十畝零五分係殊勝寺西房無僧
乾隆三十三年撥充膏火

崇正書院田產坐址坵數附

一田三畝一坵坐五都李洋平橋頭
一田四畝二坵坐 同上
一田二畝一坵坐六都崗頭洋底
一田三畝三角一坵坐五都李洋西洋浹
一田一畝二坵坐五都李洋書院前
一田五角一坵坐書院前
共田十五畝係李垵堂無僧乾隆三十年撥充膏
火

共田十石餘

一田一畝坐西隱寺前抵寮頂

一田三畝坐西隱寺前抵寮

一田一畝坐李家山厝前

一田一畝坐后空坑嶺脚

一田一畝坐李家山門口

吾南書院田產坐址畝數

一田二畝五分坐七畝墳本寺龍手外

一田五畝坐七畝墳本寺龍手外

一田二畝坐東隴西隱寺東首 一田六畝坐石龍

一田一畝坐西隱寺前抵寮頂 一田三畝坐石龍

一田二畝坐西菴頂墩後頭 一田七畝坐七畝墳

一田三畝坐西隱寺前抵寮 一田六畝坐后空坑

一田二畝坐李家山厝前 一田四畝坐石龍下墩

一田一畝坐后空坑嶺脚 一田三畝坐蜈崎壠頭

一田一畝坐李家山門口 一田三畝坐李家山後

- 一田五畝坐蜈崎墘尾
- 一田一畝坐李家山後
- 一田一畝坐李家山後
- 一田一畝五分坐弄股
- 一田一畝坐蜈崎內灣
- 一田四畝坐后空坑
- 一田二畝坐李家山
- 一田一畝坐做糶灣
- 一田七畝坐蜈崎墘
- 一田一畝坐劉房坑
- 一田一畝坐做糶灣
- 一田五畝坐西菴頂

共田八十二畝係沈仁瑞控西隱寺案內乾隆三十二年撥充膏火

環清書院田產坐址附

- 一田十二畝坐林坑垵
- 此田山係安境寺產控案共田二十五畝山一墳
- 田十三畝歸僧奉佛餘田十二畝山一墳乾隆三十二年撥歸三房膏伙
- 一田八畝坐五十都溪心係葉長清潘雲如互控案內乾隆三十四年撥充膏伙

十都文昌閣田產附

- 一官田十畝坐十都小塘外
- 十一都文昌閣田產附

前清書院元
一官田十畝坐十都小塘外

文昌閣二處田共二十畝係乾隆三十二年丈給
灶丁餘田分給膏伙

以上書院膏火猶少候有充公田另行派撥更望
接任諸公有加無已則絃歌可遍桃李滿縣矣然
猶冀各紳士向義急公哉續記卷末

田十三畝
此田山
田十二畝
田十一畝

通如